

- a. Opinbert upprunavottorð, sem staðfestir að varan sé framleidd í landi sem talið er upp í 2. gr.
- b. Opinbert heilbrigðisvottorð frá löndum sem hlotið hafa staðfestingu yfirdýralæknis og talin eru upp í 2. gr. auglýsingar þessarar.
- c. Vottorð fylgi vörunni um að sláturdýrunum, sem afurðirnar eru af, hafi ekki verið gefin vaxtarhvetjandi lyf á eldistímanum.
- d. Vottorð um að varan hafi verið í frosti $> -20^{\circ}\text{C}$ í a.m.k. einn mánuð.
- e. Sláturdýrum hafi verið slátrað í sláturhúsum og afurðirnar unnar í vinnslustöðvum sem viðurkenndar eru af Evrópusambandinu eða Bandaríkjum Norður-Ameríku sem útflutningshús.
- f. Að kjötið sé laust við Salmonellusýkla.
Leiki vafi á gildi heilbrigðisvottorðs eða upplýsingar eru óljósar, skal leita álits yfirdýralæknis sem sker úr um gildi vottorða.

4. gr.

Auglýsing þessi öðlast gildi þegar í stað. Jafnframt fellur úr gildi auglýsing um sama efni nr. 263/1996.

Landbúnaðarráðuneytinu, 10. október 1996.

Guðmundur Bjarnason.

Jón Höskuldsson.

REGLUGERÐ

um breytingu á reglugerð um íslensk vegabréf, nr. 169 22. apríl 1987.

1. gr.

3. mgr. 6. gr. orðist svo:

Óheimilt er að framlengja gildistíma vegabréfs. Dómsmálaráðherra getur þó, þegar sérstaklega stendur á, ákveðið almennt að framlengja megi vegabréf í allt að eitt ár.

2. gr.

Reglugerð þessi, sem sett er samkvæmt heimild í lögum um íslensk vegabréf, nr. 18 11. febrúar 1953, öðlast þegar gildi.

Dóms- og kirkjumálaráðuneytinu, 11. október 1996.

Þorsteinn Pálsson.

Þorsteinn Geirsson.